

10 de Diciembre 1948 na'a hua'ano'sa' niyontonpi. Nisha nisha Copirno'sari a'parin ninontacaiso marë'. Ya'ipi piyapi'sa' noya ya huëina', ta'caiso marë' ninontopi. Ninontohuachinara, iso quirica ninshitopi. -Nisha nisha nananquë ninshitoco'. Ya'ipi parti a'paco' ya'ipi piyapi nitotacaiso marë' topi. Piyapi niyontonpachina, sha 'huichina'. Escuelarn'saquë a 'chinchina', topi.

COPIRNORO'SA' NAPORINSOPITA YA'IPI PIYAPI NOYA YA'HUËCAISO MARË'

SHA'HUICHINQUËMA'

Ya'ipi piyapi'sa' noya ya'huëina'. Ama incari tëranta' topinan quëran ana'inchinasohuë'. Ina quëran ya'ipi parti noya nini'têhua' ya'huërêhua huachi.

A 'naquën piyapi 'sa' co nosorohuachinahuë', chiniquen aparësitopi. A'na tahuëri têpapi. Inaso' pa'pi co noyahuë' tènêhua'. Nonpiso marë', yonquipiso marë' Co ana'intacaso' ya'huërinhuë'. Naporahuaton, ya'ipi piyapi ma'sha ya'huëchina' Co nohuantêrêhuahuë' a nayanquënpotêranta' pahuantinpoaso.

Ya'ipi Copirnoros'sa' noya hua'anëntinpoaso' ya 'huërin. Ama topinan quëran ana'inchinpoasohuë'. Topinan quëran aparësitohuachinpoara, a'naquën chiniquën no'huihuachina yaahuëtopi. Ina quëran a'na copirno acopi huachi.

Ya'ipi Copirnoros'sa' noya nini'tona' ya'huëina'. Ama nino'huiatonahuë', ama quira niinasohuë', tènêhua'. Ya'nan niyontonêhuaso' ninshitêrêhua'. -Ya'ipi piyapi 'sa' noya ya'huëina', tènêhua'. Quëmapi'sa', sanapiro'santa' napopianachin Copirnoros'sari noya niina'. Ya'ipi piyapi'sa' catahua'hua' noya noya ya'huëcaiso marë', tènêhua'.

Ya'ipinpoa' nani chinotêrêhua' piyapi'sa' catahuahuaso'. Ya'ipinpoa' noya nini 'têhua', ya'huëa'hua', ta'têhua', nanan a'pa'hua' piyapi'sa' noya ya'huëcaiso marë'.

Napoaton iso quirica ninshitêrêhua' ya'ipi piyapi'sa' nitotacaiso marë'.

HUA'ANO'SACOI NIYONTONPATOIRA

sha'huitërai

YA'IPI PIYAPI'SA' NOYA YA'HUËINA' TËNÊHUA'. Ya'ipi opirnoros'sa' inapochachi yonquiina'. Ya 'ipi escolaro'saquë a 'chinchina'. Mashoro'santa' anitotacaiso' ya'huërin. Ina quëran ya'ipinpoa' nitotohuatêhua', nicatahua'hua' noya noya nini'têhua' ya'huëcaiso marë

1.

Ya'ipi piyapinpoa' capini noya ninosorocaso' ya'huërin. Ya'ipinpoa' yonquirêhua'. Noya nicacaso' nitotêrêhua'. Napoaton iyanpoa pochin ninosorocaso' ya 'huërin.

2.

Ya'ipi piyapi napopianachin noya ninia'hua'. Nisha nisha nirihuarahuënta' ninosorocaso' ya'huërin. Nisha nisha nananquë nonêhua'. Nisha nisha imarêhua'. A 'naquënpoa' yaraton, a 'naquënpoa' huiriton, a 'naquënpoa' quëmapinpoa', a'naquënpoa' sanapinpoa'. A 'naquënpoa' ma 'huano 'sanpoa', a 'naquënpoa' Co na 'a ma'sha ya'huëtêrinpoahuë'.

Nisha nisha nirihuarahuënta' ninosorocaso' ya'huërin. Nisha nisha hua'anëntêrinquë ya'huëpirêhuahuë', napopianachin nini'têhua', ya'huëa'hua'.

3.

Co topinan quëran têpacaso' ya'huërinhuë'. Co topinan quëran tashinan pëiquë po 'mocas' ya'huërinhuë'.

4.

Co piyapinpoa' nipa'anacaso' ya'huërinhuë'. Co topinan quëran asacatacaso ya'huërinhuë'. Piyapi inaora nohuanton sacachina'. Co sacatacaiso' nohuantohuachinahuë', ama sacachinasohuë'.

5.

Ama topinan quëran ana 'inchinsohuë'. Ama topinan quëran chiniquën aparësichinsohuë'.

6.

Ya'ipi copirnoros'sa' no'têquën sha'huitacaso' ya'huërin. Nisha nisha piyapi nipirinhue' napopianachin ninosorocaso' ya'huërin, tènêhua'.

7.

Copirnoros'sa' no'têquën hua'anênchina'. Ya'ipi piyapi napopianachin noya ni 'ina'. Napopianachin a'paiina'. Ama topinan quëran ana'inchinsohuë'.

8.

A 'napitari topinan quëran aparësitohuachinpoa', coisëquë sha'huitacaso' ya'huërin. No'têquën ana 'inchin.

9.

Co topinan quëran tashinan pëiquë po'mocas' ya'huërinhuë'. Co topinan quëran a'na parti a'pacaso ya'huërinhue.

10.

A'napita sha'huirapihuachinpoa', Co topinan quëran ana'intacaso' ya'huërinhuë'. Coisë noya natanchin. Ina quëran no'têquën sha'huichin. Ya'ipinpoa' napopianachin nicatonpoa', no 'têquën sha 'huitinpoaso' ya'huërin.

11.

A'na piyapi sha'huirapihuachinpoa', Co a'naroachin ana 'intinpoaso' ya'huërinhuë'. Co nimara naporinhue', ta'ton, coisë noya natainpoa'. Ina quëran oshaquëran yonquiina'. Têhuëinchachi nitotaquë huarë' ana'intacaso' ya'huërin. Co têhuëinchachi nitotohuachinhue', ama ana'inchinsohuë'.

Copirno nani pënënpachinpoa', no'têquën ana 'intêrinpoa'. Co pënënpachinpoahuë', Co ana 'intinpoaso' ya 'huërinhuë'. Nasha pënënpachinpoa', natêcaso' ya'huërin. Iraca Co pënënpachinpoarahue', Co natêpatêhuahuë', Co ina arë' ana 'intinpoaso' ya 'huërinhuë'. Nani sha 'huitohuachinpoa', Co aquëtê ana'intinpoaso' ya'huërinhuë'.

12.

Co ma'shanënpoa' niihuacaso' ya'huërinhuë'. Co ninshitêrêhuaso' nisë 'huatacaso' ya'huërinhuë'. Co pinoinpoaso' ya 'huërinhuë'. Inapo 'tohuachinpoa', coisëri ana'inchin.

13.

Ya'huërêhua quëran insëquësona yapa patëra, noya paacaso' ya'huërin.

A'na hua'an quëran yapipihuatëra, noya pipicaso'. Ya'huërêhuaso parti yahuënantohuatëra, noya huëantacaso.

14.

Copirno topinan quëran no'huihuachinpoa', yata'ahuatêhua', noya ta'acaso' ya'huërin a'na parti ya'huëcasomarê'.

Nipirinhue' Co noyahuê' nipatêhua', no'têquën ana 'intacaso' ya 'huërin, Co ta 'acaso' ya 'huërinhue'.

15.

Ya'ipinpoa' nisha nisha Copirno ya'huëtêrinpoa'. Ina catahuainpoaso' ya'huërin.

Co topinan quëran a'painpoaso' ya'huërinhue'. Nipirinhue' a'na hua'anquë yaya'conpachina, tananpichin pa'in.

16.

Quëmapi mashotohuachina, noya sa'acaso'. Nisha sanapi yamapachina inanta' noya tênhua'. Nisha religion imarinso' mapachina, Co ina marê' copirnorî nanitêrinhue' ana'intacaso'. sanapinta' payatohuachina, noya so'yacaso'. Nisha piyapi niponahuê', noya macacaso'. Quëmapi'sa', sanapi'santa' ma'sona nohuantohuachina, napoina.

Sanapi Co nohuantohuachinhue', Co so'yatacaso' ya huërinhue'. Quëmapinta' Co nohuantohuachinhue', Co ma'caso' ya'huërinhue'.

A'na quëmapi, sa'in, hui'ninpitarechachi a'na huëntonaca' ninin. Noya ya'huëina'. Noya ya'huëcaso' Copirnorî catahuain.

17.

No'pa', ma'sha, inapita hua'anêntacaso ya'huërin. A'naquen inaora no'pa' hua'anêntêrin. A'nanta' ya'ipi huënton no panên hua'anêntopî. Cato chachî noya.

No'panên hua 'anêntohuachina', Co incaritêranta nanitênnhue' ocoicaso.

18.

Yonquirêhuaso marê' Co Copirno no'huiinpoaso ya'huërinhue'. Religion imarêhuaso marênta' Co Copirno no'huiinpoaso' ya 'huërinhue'. Nisha yaimapatêhua,, Co ina marê' aparêsitinpoaso' ya'huërinhue'. Yosê chinotacaso marê' niyontonpatêhua', Co ina marê' Copirno ana'intinpoaso' ya'huërinhue'.

19.

Ma'sona têranta' yonquihuatêhua', a'napita yaa'chintohuatêhua', Co ina marê' Copirno ana'intinpoaso' ya 'huërinhue'. Nanan a 'parêso marênta' noya, quiricaquêhuê nipon, natioquêhuê nipon, noya a'parê', natanê'. Ya'ipi parti inapotêrê' noya natanacaiso marê'.

20.

Piyapi yaniyontonpachina, niyontoina'. Noya niyontonacaiso' nipirinhue' Co niahuêcaiso marêhuê' niyontoina'.

- Quiya pochin natêco' ana'intochinquêma', itohuachinpoa', Co nohuantohuatêhuahuê', Co imacaso ya'huërinhue.

21.

Ya'ipi piyapi hua'ano'sa' huayonacaso' ya'huërin. Nisha nisha ninano quëran huayonin. Inapita hua 'anêntêrinpoa'.

Ya'ipi piyapi nanitêrin ma'sha pa'anacaso'. Pahuêrêtohuachina, ya'ipi piyapi nanitêrin ma'shaquê pacacaso . Camionquê, avionquê, nanchaquê, inapitaquê nanitopî pacacaiso'. Napopianachin Copirno sirihuirinpoa'.

Ya'ipi piyapi Copirno huayoina'. Hua'ano'santa huayoina'. Catapini pi'ipi catapinî pi ipi quëran pochin huayoina'. Ya'ipi piyapi inahuara ninshitapi huayonacaiso mare.

22.

Piyapi sacatohuachina, no'têquën pahuêrêtacaso' ya'huërin. Co sacatacaso' nanitohuachinhue', pi'pian pi 'pian catahuacaso' ya 'huërin. Copirno nanitohuachina, coriqui, ma'sha inapita quêtacaso' ya'huërin. Co insonta' pahuantacaso' nohuantêrêhuahuê'.

23.

Piyapi yasacatohuachina, sacachina'. Ma sacatosona yanipachina, inaquê sacachina'. Asacatêrinsopita piyapinênpita nosoroina'. Ama chini chin iquën asacachinsohue'. Sacato ya'huêhuachina, asacachina.

No 'têquën pahuêrêtacaso' ya 'huërin. Inachachi sacatohuachina, inachachi pahuêrêtêrê'. Nisha nisha piyapi nipirinhue', inachachi pahuêrêcaso' ya'huërin.

No'têquën pahuêrêtacaso' ya'huërin. Noya nanpicaïso marê' pahuêrêchina'. Pahuantohuachina, a'napita catahuacaso' ya'huërin.

Co noyahuê' pahuêrêhuachina', sacatoro sa' nanitêrin niyontonacaiso . Ninontohuachina', a'na' acorin hua'an nontacaso mare. -Noya nosorocoi, no'têquën pahuêrêcói, itohuachina, nataina', no'têquën pahuêrêchina'.

24.

Co nani tahuêri asacatacaso' ya'huërinhue'. Chinotacasonta' ya'huërin. Pita tahuêri Co sacatopirinahuê', pahuêrêcaso' ya'huërin.

25.

Noya sacatohuachina, noya pahuêrêcaso' ya'huërin. Ya'ipi piyapi cosharo', pei ,nimirio, coton inapita nohuantopî. Co nohuantêrêhuahuê' piyapi 'sa' pahuantacaiso'. Caniohuachina, Co nanitêrinhue' sacatacaso'. Mashoro'sa', quëyorono'sa' inapita Co nanitopihuê' aquêtê' canacaiso'. Napoaton inapita catahuacaso' ya'huërin.

Sanapi hua'huanpachina, hua'huinëchachi a'napitari catahuaina'. Hua 'hua ma'patêrinsonta' catahuaina'. Hua'huaro'sa' pahuantohuachina, Copirno pi'pian pi 'pian catahuaina'.

26.

Copirnorî escuelaro'sa' ya'ipi parti acoina'. Ya'ipi hua'huaro'sa' escuela imacaiso' ya'huërin. Primaria imacaiso marê' ama pahuêrêchinasohue'. Secundaria, escuela ocupacional inapita acocaso' ya'huërin. Inapita yaya'conpachina examen noya pipihuachina, noya ya'coina.

Ya'ipi maistororo'sa' noya a'chinchina' hua'huaro'sa' noya noya yonquicaïso marê'. Ina quëran Co aquêtê nino'huipihuê'. Noya noya ninosorohuachina, Co a 'napita nocanapihuê'. Naporahuaton, ya 'ipinpoa' noya nini 'têhua' ya huêa'hua huachi. Ina na'con nohuantêrêhua'.

Pa'pin, a'shin nohuanton, hui'ninpita escuelaquê ya coina'. Ama a'na piyapiri nisha escuelaquê po moïnsohuê'.

27.

Ninanoquê niyontonpi ma'sha nitotacaiso marê'. A 'naquën quirica ninshitêrin, a 'naquën musica pi 'nirarin, a'naquën nonanpiso' pashitarin. Inapita nitotacaso marê' niyontonpachina, a'napita nohuantohuachina, pa'ina', noya nataina

Nipro ninshitohuatêhua', hua'anêntêrêhua'. Inapochachi nonanpiso', nitêrata inapita pochin nipatêhua', hua'anêntêrêhua'. Co inapita marê' a'napitari canacaso ya'huërinhue'.

28.

Ya'ipi parti noya nini'têhua', ya'huêa'hua'. Ya'ipi Copirnorî'sa' piyapinênpita catahuaina' noya ya'huêcaïso mare

29.

Co insonta' inaora ya'huërinhuë'. Ya'ipi piyapinpoa' noya ya'huëcaiso' nohuantohuatêhua', noya ninosorocaso' ya 'huërin. Nicatahuacaso' ya'huërin.

Copirnoros'a' pënëninpoa' Co nino'huicaso marêhuë', Co niahuëcaso marêhuë'. Noya nicatahuacaso marê' pënëninpoa'. Ina pochin nipatêhua', Co topinan quëran ana'intinpoaso' ya'huërinhuë'.

Na'con yonquirai ya'ipi piyapi'sa' noya ya'huëcaiso marê'. Nisha yonquicaiso', nisha a'chintałaiso' Co nohuantërai huë'. Ya'ipi noya nini'têhua', noya noya ya'huëa'hua , tenehua'.

30.

Nani ya 'ipi hua 'ano'sacoi, Copirno acorincoisopita pënënainquëma'. Ama nisha yonquicosohuë'. No'tëquën natëcoi, ya 'ipinpoa' noya nini 'têhua', noya ya 'huëa'hua'.